

Na osnovu člana 8 stav (1) tačke b), d) i f), čl. 16, 20 i 21 Zakona o radijacijskoj i nuklearnoj sigurnosti u Bosni i Hercegovini („Službeni glasnik BiH“, broj 88/07) i člana 61 stav 2. Zakona o upravi („Službeni glasnik BiH“, br. 32/02 i 102/09), direktor Državne regulatorne agencije za radijacijsku i nuklearnu sigurnost donosi

## **PRAVILNIK O USLOVIMA I NAČINU PEČAĆENJA POSLOVNIH PROSTORIJA I SREDSTAVA ZA RAD SUBJEKTA NADZORA**

### **DIO PRVI: OPĆE ODREDBE**

#### **Član 1. (Predmet)**

- (1) Ovim pravilnikom se propisuju uslovi za pečaćenje, način pečaćenja i skidanja službenog pečata sa objekata, postrojenja, uređaja i sredstava za obavljanje djelatnosti sa izvorima jonizirajućeg zračenja kada je u inspekcijskom postupku izrečena mjera zabrane upotrebe istih.
- (2) Ovim pravilnikom se propisuju i drugi oblici sprečavanja upotrebe objekata, postrojenja, uređaja i sredstava za rad ako isto nije izvodljivo pečaćenjem.
- (3) Djelatnosti iz stava (1) ovog člana određene su propisima Državne regulatorne agencije za radijacijsku i nuklearnu sigurnost (u daljem tekstu: Agencija).

#### **Član 2. (Definicije)**

U smislu ovog pravilnika pojedini pojmovi imaju sljedeće značenje:

- a) **Pečaćenje:** Oblik neposredne prinude s ciljem izvršenja mjere zabrane upotrebe objekata, postrojenja, uređaja i sredstava za rad, naložene u toku vođenja inspekcijskog postupka.
- b) **Subjekt nadzora:** Pravno lice koje koristi ili namjerava koristiti poslovne prostorije, dijelove poslovnih prostorija i sredstva za rad radi obavljanja djelatnosti sa izvorima jonizirajućeg zračenja.
- c) **Poslovne prostorije:** Objekti, odnosno dijelovi objekata u kojima subjekt nadzora obavlja ili namjerava obavljati određenu djelatnost sa izvorima jonizirajućeg zračenja i u kojima se nalaze sredstva za rad potrebna za obavljanje te djelatnosti.
- d) **Sredstva za rad:** Svi izvori jonizirajućeg zračenja i sva oprema koja se koristi za obavljanje djelatnosti sa izvorima jonizirajućeg zračenja, a za koje Agencija izdaje odgovarajuću autorizaciju.
- e) **Inspektor:** Državni inspektor za radijacijsku i nuklearnu sigurnost.

## **DIO DRUGI: USLOVI I NAČIN PEČAĆENJA**

### **Poglavlje I. Uslovi za pečaćenje**

#### **Član 3.** (Pečaćenje)

- (1) Pečaćenje se vrši kada subjekt nadzora nije izvršio mjeru zabrane upotrebe poslovnih prostorija ili sredstava za rad.
- (2) Pečaćenje se provodi nakon što je rješenje o zabrani upotrebe postalo izvršno i stranki dostavljen zaključak o dozvoli izvršenja rješenja.
- (3) Izuzetno od odredbi stava (1) ovog člana, ako se u toku inspekcijskog nadzora utvrdi da bi dalja upotreba objekata, postrojenja, uređaja i sredstava za rad mogla ugroziti živote i zdravlje ljudi, pečaćenje se vrši odmah po saopštenju usmenog rješenja o zabrani upotrebe objekata, postrojenja, uređaja i sredstava za rad, što se konstatira u zapisniku.
- (4) Pečaćenje se može izvršiti odmah uz saglasnost stranke ako stranka izjavi na zapisnik da ne koristi ili ne namjerava privremeno ili trajno koristiti određena sredstva za rad.
- (5) Inspektor sačinjava zapisnik o izvršenom pečaćenju pri čemu se poziva na izvršno rješenje.
- (6) Sastavni dio zapisnika iz stava (5) ovog člana je popis zapečaćenih poslovnih prostorija, dijelova prostorija i sredstava za rad koji sadrži vrstu, naziv (namjenu) zapečaćenih prostorija, dijelova prostorija i sredstava za rad.

#### **Član 4.** (Privremeno pečaćenje)

- (1) Ako se inspekcijski nadzor vrši kod subjekta nadzora, a ne može se završiti u toku njegovog radnog vremena, inspektor može izvršiti privremeno pečaćenje poslovnog prostora, dijela poslovnog prostora ili samo opreme u tom prostoru u kojem se nalaze stvari ili dokumentacija na koje se odnose radnje inspekcijskog nadzora.
- (2) Privremeno pečaćenje iz stava (1) ovog člana se vrši kada inspektor procijeni da može doći do promjene činjeničnog stanja, a vrši se radi dovršenja započetog inspekcijskog nadzora koji se ima nastaviti narednog radnog dana.
- (3) O privremenom pečaćenju poslovnog prostora ili opreme iz stava (1) ovog člana donosi se zaključak protiv kojeg se ne može izjaviti posebna žalba.
- (4) Zaključak iz stava (3) ovog člana priložit će se uz zapisnik o izvršenom inspekcijskom nadzoru.

## **Član 5.**

(Obavljanje poslova)

Za vrijeme dok je prostorija i/ili njen dio zapečaćen mogu se obavljati samo oni poslovi koji su neophodni za provođenje rješenja inspektora za radijacijsku i nuklearnu sigurnost, uz prethodnu pismenu saglasnost inspektora i ako se tim radovima osigurava i omogućava siguran rad i pristup zapečaćenoj prostoriji te ostalim dijelovima prostorija.

## **Član 6.**

(Fotografiranje)

Zapečaćene poslovne prostorije, dijelovi prostorija i sredstva za rad obavezno se fotografiraju, a fotografije su sastavni dio zapisnika o inspekcijskom nadzoru.

## **Član 7.**

(Dostavljanje)

- (1) Rješenje o zabrani i zaključak o dozvoli izvršenja rješenja pečaćenjem kojim se određuje mjera pečaćenja i odgovarajuće obavještenje o pečaćenju inspektor dostavlja subjektu nadzora-korisniku poslovnih prostorija, odnosno sredstava za rad.
- (2) Ako subjekt nadzora nije vlasnik poslovnih prostorija, odnosno sredstava za rad, rješenje o zabrani i zaključak o dozvoli izvršenja rješenja pečaćenja kojim se određuje mjera pečaćenja inspektor dostavlja i vlasniku prostorija, odnosno sredstava za rad samo ako je za vrijeme trajanja inspekcijskog nadzora inspektor utvrdio ko je vlasnik prostorija, odnosno sredstava za rad.

## **Poglavlje II. Sredstva za pečaćenje**

### **Član 8.**

(Sredstva pečaćenja)

Sredstva pečaćenja su:

- a) službeni pečat,
- b) službena traka,
- c) službeni znak,
- f) obavještenje o pečaćenju.

### **Član 9.**

(Oblik sredstava za pečaćenje)

- (1) Za pečaćenje se koristi pečat izrađen od metala, okruglog oblika, prečnika 30 mm, sa ispisanim nazivom „Bosna i Hercegovina, Državna regulatorna/regulativna agencija za radijacionu i nuklearnu sigurnost/bezbjednost – Inspektorat“ (dato u Prilogu 1 ovog pravilnika).
- (2) Za obilježavanje se koristi traka s nazivom „INSPEKTORAT DRŽAVNE REGULATORNE AGENCIJE ZA RADIJACIONU I NUKLEARNU SIGURNOST –

ZAPEČAĆENO“, koja je crvene boje, širine 80 mm, sa slovima crne boje 60 mm (dato u Prilogu 2 ovog pravilnika).

- (3) Za obilježavanje velikih površina se koristi službeni znak dimenzija 450 x 450 cm, pozadina službenog znaka je fluorescentne žutozelene boje, sa crnim obrubom i tekстом „ZABRANJEN RAD“, sa nazivom „INSPEKTORAT DRŽAVNE REGULATORNE AGENCIJE ZA RADIJACIONU I NUKLEARNU SIGURNOST“ (dato u Prilogu 3 ovog pravilnika).
- (4) Obavještenje o pečaćenju se ispisuje na formatu A4 sa tekстом kao u Prilogu 4 ovog pravilnika.

### **Član 10.**

(Postupak pečaćenja)

- (1) Pečaćenje se vrši stavljanjem jemstvenog konca na svim ulazima, između pokretnog i nepokretnog dijela objekta (vrata i štok i sl.) ili pokretnog i nepokretnog dijela izvora jonizujućeg zračenja, koji se fiksira pečatnim voskom i u koji se utisne metalni pečat Agencije, ili na drugi adekvatan način.
- (2) Sve brave na ulaznim i unutrašnjim vratima se prethodno zaključavaju ako je to moguće, a prije zaključavanja u zapisnik se unose podaci o svim uređajima koji su predmet inspekcije i koji moraju ostati u objektu.
- (3) Nakon pečaćenja, na svim ulazima u objekt na vidnom mjestu se ističe obavještenje o pečaćenju.
- (4) Izuzetno, inspektor može zapečatiti prostore za rad velike površine, odnosno dužine postavljanjem više službenih pečata na potrebnim mjestima.
- (5) Ako subjekt nadzora namjerava premjestiti pokretna sredstva za rad i opremu iz prostorije i/ili prostora i ako se time postiže obustava obavljanja djelatnosti ili dijela djelatnosti zbog koje bi se trebala narediti mjera pečaćenja, inspektor će uzeti izjavu u zapisnik o tome s rokom za izvršenje, a pečaćenje narediti protekom roka u slučaju da subjekt nadzora ne postupi u skladu s izjavom.
- (6) Ako je pečaćenje neizvodljivo, odnosno kada je očito da samo pečaćenje neće dovesti do željenog efekta, zabrana upotrebe vrši se postavljanjem PVC trake na pogodna mjesta objekata, postrojenja, uređaja i sredstava za rad.

### **Poglavlje III. Uklanjanje pečata i sredstava pečaćenja**

#### **Član 11.**

(Uklanjanje pečata)

- (1) Uklanjanje službenog pečata vrši inspektor kada utvrdi da su otklonjeni razlozi zbog kojih je izrečena mjera zabrane upotrebe objekata, postrojenja, uređaja i sredstava za rad.

- (2) Uklanjanje pečata vrši inspektor i kada stranka učini vjerovatnim da će otkloniti nedostatke zbog kojih je izrečena mjera zabrane upotrebe ako se nedostaci ne mogu otkloniti bez skidanja pečata.
- (3) U slučaju elementarnih nepogoda koje mogu izazvati štetu u objektu i opasnosti po zdravlje ljudi i okoliš, uklanjanje pečata može izvršiti i stranka uz obavještanje inspektora.

**Član 12.**  
(Dokumentiranje)

- (1) O uklanjanju i ponovnom stavljanju pečata sastavlja se zapisnik u koji se unose sve radnje i podaci koji mogu utjecati na dalji tok postupka.
- (2) Pečat se može<sup>57</sup> skinuti i od strane stranke ukoliko je to odobrio inspektor, pri čemu o navedenoj radnji inspektor sačinjava službenu zabilješku.

**Član 13.**  
(Prijelazne odredbe)

Ovaj pravilnik stupa na snagu osmog dana od dana objavljivanja u „Službenom glasniku BiH“.

Broj: 04-02-2-1232/16  
Datum: 28.10.2016.

DIREKTOR  
Emir Dizdarević

**Prilog 1**

**LIKOVNI PRIKAZ SLUŽBENOG PEČATA**  
*(mjere u mm)*



## Prilog 2

---

INSPEKTORAT DRŽAVNE REGULATORNE AGENCIJE ZA RADIJACIONU I NUKLEARNU  
SIGURNOST – ZAPEČAČENO

---

## Prilog 3

Dimenzije 450 x 450 cm



# ZABRANJEN RAD

## Prilog 4

Zaglavlje Agencije

INSPEKTORAT DRŽAVNE REGULATORNE AGENCIJE ZA RADIJACIJSKU I  
NUKLEARNU SIGURNOST

DRŽAVNA REGULATORNA AGENCIJA ZA RADIJACIJSKU  
I NUKLEARNU SIGURNOST

INSPEKTORAT

Broj: .....

Mjesto i datum: .....

### OBAVJEŠTENJE O PEČAĆENJU

nadziranom pravnom licu ..... iz  
..... na adresi....., na  
osnovu odredbi člana 21 Zakona o radijacijskoj i nuklearnoj sigurnosti u Bosni i Hercegovini  
(„Službeni glasnik BiH“, broj 88/07) su zapečaćene poslovne prostorije ili dijelovi prostorija i  
sredstva za rad zbog povrede odredbe člana ..... stava ..... istog zakona, ili člana .....  
Pravilnika .....

Inspektor za radijacijsku i nuklearnu sigurnost će ukloniti pečat i sredstva pečaćenja kada  
nadzirano pravno lice postupi prema inspekcijском rješenju i uskladi obavljanje djelatnosti s  
navedenim zakonom i pravilnikom.

### UPOZORENJE!

Skidanje i povreda službenog pečata i sredstva pečaćenja, kao i ulazak u zapečaćenu poslovnu  
prostoriju, dijelove prostorije i/ili pristup ili korištenje sredstava za rad je krivično djelo  
prema Krivičnom zakonu ..... član .....



Nadzirano pravno lice ..... iz  
....., odgovorno lice u pravnom licu:  
..... dužni su brinuti o sigurnosti zapečaćenih  
poslovnih prostorija ili dijelova poslovnih prostorija i sredstava za rad i odgovorni su u  
slučaju nastanka štete.

---

Ime i prezime  
Državni inspektor za radijacijsku i nuklearnu sigurnost

M. P.